

DEN AMBIENTE

Skirbi pa: Poets

ULTIMO PARTICIPACION DI SULAICA CROES DEN FESTIVAL



TUMBERITA..

****** Nos talentoso cantante Sulaika Croes ta cumpli awe su di 13 cumpleaños. Segun DEN AMBIENTE por a compronde for di Sulaika, cu e fecha aki lo keda graba como algo historico, ya cu e la dicidi cu awe lo ta su ultimo participacion den e festival di Tumberita.

Sulaika cu su 7 aña a participa pa prome vez den festival di Tumberita. Despues di dos aña na aña 1992 cu e tumba "Dune tur apoyo" e la conquista e titulo como Reina infantil di Tumberita. Na

aña 1993 E la logra sali como prome finalista. Na

aña 1994 tambe como prome finalista.

Sulaika Croes ta un di e cantantenan infantil cu a produci mas temanan durante aña. Por bisa cu varios a cosecha hopi exito. Pa e motibo aki tambe Sulaika Croes ta unico cantante infantil cu a ser premia pa DEN AMBIENTE AWARD tres aña consecutivo como cantante infantil di aña.

Segun Bencho Giel..

"E SONIDO TABATA LIMPI"..

****** Relaciona cu e declaracion cu Haydee Bareño a declara den e programa radial di DEN AMBIENTE na Radio Galactica diadomingo ultimo, DEN AMBIENTE a haya varios reaccion tocante e sonido durante Calypso Contest.

DEN AMBIENTE a busca contacto cu e experto di sonido aki na Aruba, kende ta nada menos cu "el maestro" Bencho Giel. Pa hopi hende Bencho Giel ta e persona mas indica pa papia loke ta trata sonido.

Bencho a duna nos di conoce cu pa su persona cu tabata personalmente den San Nicolas Sport Park, e sonido tabata sali limpi limpi. Loke si e tin cu bisa, cu na comienso e sonido tabata "BOOMY", es decir



mucho base den comparacion cu midrange y treble.


Pero engeneral e sonido tabata hopi bon, compara cu añanan anterior na unda tabata tin demasiado feedback, loke si no por a con-

stata durante e anochi di diasabra.

Tambe loke sigur mester a aplaudi tabata e tremendo stage, y tambe e forma rapido cu e bandanan tabata intercambia.

Pa loke tabata trata e dos eventonan ultimo, tanto Calypso Youth Festival y e concierto di Mighty Sparrow, e sonido tabata sublime. Aki DEN AMBIENTE mester duna credito y grandeza na Haydee Bareño, kende a declara na DEN AMBIENTE durante e anochi di Mighty Sparrow, cu e sonido ta hopi bon!.. Pues nos ta duna CESAR LOKE TA DI CESAR..

CORPORATE OF MOTIVATION AWARD PA IVO YANEZ..



****** Recientemente e popular locutor Ivo Yanez a ricibi un AWARD for di e conocido atleta Andres Tromp. Riba grafico nos por aprecia na momento cu Andres Tromp ta hasi entrega di e plaque na Ivo Yanez.

TREMENDO DEBUT DI SYLVIEENNE VROLIJK DEN ROADMARCH CONTEST..

Anto e ta un peliger pa e grandinan di Tumba !



****** Tremendo mes tabata e debut di e jovencita Sylvienne Vrolijk durante su presentacion den Calypso & Roadmarch contest.

Sylvienne kende no ta un cantante desconoci a participa pa prome biaha den e contest aki, y mester bisa cu e la impresiona tur hende cu su forma yen di brio y animo. Sylvienne su stage performance a sobresali hasta mihor cu hopi di e grandinan cu tin basta aña ta participa.

Nos ta mira un futuro grandi den Sylvienne Vrolijk, y nos a tende cu e ta bin duro duro tambe pa e festival di Tumba grandi. Anto tumba ta su kuki, pues grandinan paga tino ! pasobra aki si bosnan ta bay topa cu un REINA DI TUMBA !

Kere mi palabra, DEN AMBIENTE masha poco ta faya. Si Sylvienne mester bin cu un tumba yen di kick, ento lubida grandinan. Aki si mester hala kita pa sanger nobo, ento cu yen di TALENTO..